

不居集

心齋子月伯未疏



二



不居上集卷之十一

浣月齋正本

歙嶺南吳澄師朗著輯

上海秦伯未校訂

水丘道人紫庭治傳尸癆瘵法

治癆瘵方法

開關把胃論

總論病證

七寶圖

陽病開關散

陰病開關散

起胃散

烏龍膏

玉龍膏

訶黎散

傳屍癆

本事方
直指方
紫庭

芎歸血餘散

驚甲生犀散

上清紫庭追癆法

第一代癆蟲圖

第二代癆蟲圖

第三代癆蟲圖

第四代癆蟲圖

第五代癆蟲圖

第六代癆蟲圖

天靈蓋散

五勞麝香散

茯神散

補肝臟勞極金明散

補心臟勞極守靈散

補脾臟勞極魂停散

補肺臟勞極虛成散

補腎臟虛勞育嬰散

紫河車丹

犀角紫河車丸

祕方鬼哭飲子

蜈蚣散

加味芎歸血餘散

太乙明月丹

傳屍神授丸



南京中醫藥大學圖書館版權所有

附祕錄方

和平散

平補理癆煎

補神丹

殺蟲神丹

驚甲殺蟲丹

獺肝殺蟲丸

救癆殺蟲丸

作香鰻

吳澄曰。傳尸癆瘵惡候也。有鬼邪以生災。有怪蟲以爲害。日積月深。漸至於死。傳及傍人。連及宗族。甚至滅門。何其慘歟。水丘先生不以尋常藥餌。而以開關把胃二法。分陰分陽。救度世人。其立議也精微。其用藥也玄妙。其辨症也詳明。其建功也速效。以爲癆瘵之主治。而他賢方法附焉。

治癆瘵方法

水丘道人年一百。煉得龍精並虎魄。流傳此法在人間。聊向三天助陰德。扶危起死莫蹉跎。此藥於人有效多。不問陰陽與冷熱。先將脾胃與安和。脾經虛冷易生寒。最是難將熱藥攻。閉却大便並上氣。爲多厚朴與菴蓉。此法精關兩道方。病人入口便知良。但須仔細看形候。莫向陰中錯用陽。涕唾稠粘小便赤。乾枯四體無筋力。烏龍膏子二十圓。便似焦枯得甘滴。遺精夢泄腹膨高。咳嗽陰



疼爲患勞。此病是陰須識認。便當急下玉龍膏。嗽裏痰涎。仰臥難。陰陽交併候。多端。却須兼服訶黎散。治取根源病自安。

開關把胃論

人有傳尸、癰、瘰、伏、連、五、勞、七、傷、二十六蒸。其候各異。其源不同。世醫不明根本。妄投藥石。可勝嘆哉。予休心雲水。遠絕人事。遂以所傳樞要精微。以示世醫。使之明曉。夫傳尸癰者。男子自腎傳心。心而肺。肺而肝。肝而脾。女子自心傳肺。肺而肝。肝而脾。脾而腎。五臟復傳六腑而死矣。或連及親族。至於滅門。其源皆由房室飲食過度。冷熱不時。憂思悲傷。有欲不遂。驚悸喜懼。或大病後行房。或臨尸哭泣。尸氣所感。邪氣一生。流傳五臟。蠹食傷心。雖有諸候。其實不離乎心。陽腎陰也。若明陰陽用藥。可以返魂奪命。起死回生。人知勞之名。未知其理。人生以血爲榮。氣爲衛。二者運轉而無壅滯。勞何由生。故勞者倦也。血氣倦則不運。凝滯疎漏。邪氣相乘。心受之。爲盜汗。虛汗。憂悲恐懼。恍惚不安。腎受之。爲骨蒸。爲鬼交。陽虛好色。愈甚。肝受之。爲瘰癧。脇滿痞聚。拳攣拘急。風氣乘之。爲疼痛。

脾受之。爲多思慮。慕清涼不食。多食無味。肺受之。爲氣喘痰涎。睡臥不安。毛髮焦枯。至於六腑。亦各有證。今人多用涼藥。則損胃氣。雖虛扁亦難矣。予之所論。但在開關把胃。何則。勞病者。血氣不運。遂致乾枯。此關脈閉也。故先用開關藥。通其血脈。既開關。則須起胃。蓋五臟皆有胃氣。邪氣附之。則五臟衰弱。若不把胃。則他藥何由而行。故開關把胃。乃治勞妙法也。然必須明陰陽。且如起胃。陽病藥不可過暖。陰病藥不可過涼。今人言丁香、厚朴、肉桂、菴蓉。可補五臟。不知用之。則喘息閉嗽。如火益熱。或以治鬼爲先務。要當法藥相濟。道力資扶。然後鬼屍可逐也。此論上合黃帝岐扁。下明臟腑陰陽。非患者有福。亦不遭逢寶之。

總論病證

如夜夢鬼交。遺精自泄。夢魂不安。常見先亡恐怖鬼神。思量飲食。食至不進。目睛失白。骨節疼痛。五心煩熱。頭髮作滯。面臉時紅。如傳臙脂。唇紅異常。肌膚不潤。言語氣短。大便秘澀。或時溇利。小便黃赤。或時白濁。項生瘰癧。腹中氣塊。鼻口生瘡。口舌乾燥。咽喉不利。仰臥不得。或時氣喘。涕唾稠粘。上氣憤滿。痰吐惡。

北京中医药大学图书馆藏

心腹脇妨悶。陰中冷痛。陰癢生瘡。多濕轉筋拘急。或忿怒悲啼。舌直苦痛。目睛時疼。盜汗擡肩喘息。陽道虛剛。如手足心煩疼。口乾舌瘡。小便黃赤。大便難。及熱多咽喉痛。涎唾黃粘。及兼前項一二證。卽是陽病。當用陽病開關散。爲瀉陽而補陰。如大便溏利。小便白濁。飲食不化。胃逆口惡。雖有熱痰。唾白色。及小便多。仍兼前項數症。卽是陰病。當用陰病開關藥。凡勞病虛極。亦多令人煩躁。大小便不利。宜兼諸脈證審之。陰陽二症。皆用起胃散。

七寶圓

瀉骨蒸傳尸邪氣陽病可服。

黃連四兩爲細末。用猪肚一箇洗淨。入藥末線縫之。用童便五升。文武火煎令爛乾爲度。以肚細切。同藥爛研。置風中吹乾。丸如桐子大。硃砂麝香爲衣。空心麥門冬水下。或用陽病開關散咽下。無硃砂亦可。

陽病開關散

北柴胡去蘆。桔梗炒。秦艽麥門冬去心各五錢。芍藥木香澤瀉各一兩。木通五

錢。甘草一錢炙。當歸桑白皮蜜炙。地骨皮各一兩。咀咀。每服三錢。水一盞。薑三片。煎六分。空心服。小便多。卽病去也。

陰病開關散

當歸赤芍藥肉桂白芷甘草炙各五錢。木香二錢製。枳殼三錢。天南星一錢去皮。薑汁浸一宿。焙。咀咀。每服三錢。薑三片。煎七分。入無灰酒三分。盞。童便三分。盞。又煎七分。溫服。先服此。起胃散一二日後。不問退否。兼玉龍膏服之。

起胃散

陰陽二候皆可服。

黃耆炙二兩。白朮炒一兩。白芷五錢。人參五錢。山藥一兩。咀咀。每服三錢。加木瓜煎。或加沉香茯苓甘草各五錢。

烏龍膏

治涕唾稠粘。小便赤乾。枯四肢無力。

烏梅去核。柴胡紫苑生乾地黃木香各一兩。秦艽實好者。貝母麵炒去心。防風



各三錢。杏仁五兩。麴炒爲末。皂角六十片。二十片去黑皮。醋炙爲末。二十片燒灰存性。二十片湯浸去黑皮。用精豬肉搗爛如泥。同皂角一處入水五升。細揉汁入童便三升。無灰酒一升。併熬如膏。和前藥末爲丸。如梧桐子大。每服三十丸。空心麥門冬湯下。甚者二十日效。

玉龍膏

治遺精夢泄。腹膨咳嗽陰疼。

青蒿子。柴胡。白檳榔。各二兩。製鱉甲。白朮。赤茯苓。木香。牡蠣。各五錢。地骨皮。五錢。人參。一兩。生乾地黃。一兩。當歸。三錢。硃砂。一錢。豆豉。心二合。虎頭骨。斫開酒炙。黃赤色。一兩。肉蓯蓉。酒浸一宿。炙一兩。鱉甲。湯煮去皮。裙酒浸炙。黃赤。皆爲末。又加烏梅肉。枳殼。右前件末成。却以杏仁五升。壯者以童便浸。春夏七日。秋冬十日。和瓶日中晒。每日一換新者。日數足。以清水淘去皮尖焙乾。別以童便一升。於銀石器內。以文火煎至隨手爛。傾入砂盆。用柳木槌研爛爲膏。細布濾過。入酥一兩。薄荷自然汁二合。攪勻和藥。用槌搗五百下。丸如梧桐子大。空心

湯下十五丸。加至三十丸。如覺熱減丸數服。熱少還添。加減經月日。諸證皆退。進食安臥。面有血色。乃藥行也。當勤服無怠。忌莧菜白粥冷水生血雀鵲等物。

訶黎散

治勞嗽上氣陰陽交併。

赤茯苓二兩。訶黎勒皮二兩。木香五錢。檳榔一兩。當歸一兩。炒。大黃一兩。炒。吳茱萸湯泡七次。五錢。咬咀。每服三錢。生薑三片。水一盞。煎六分。溫服。

傳屍癆

本事方 葛稚川言鬼疰者是五屍之一疰。又按諸鬼邪爲害。其變動乃有三十六種。至九十九種。大約使人淋漓。沉沉默默。的不知其所苦。而無處不惡。累年積月。漸就頓滯。以至於死。傳於傍人。乃至滅門。覺知是候者。急治獺肝一具。陰乾取末。水服方寸匕。日三服。效。未知再服。此方神良。

紫庭方 傳屍伏屍皆有蟲。須用乳香熏病人之手。乃仰手掌以帛覆其上。薰良久。手背上出毛長寸許。白而黃者可治。紅者稍難。青黑者卽死。若薰之良。



久。無毛者卽非此症。屬尋常虛勞症也。又法燒安息香令煙出。病人吸之。嗽不止。乃傳屍也。不嗽非傳屍也。

直指方 療蟲食人骨髓。血枯精竭。不救者多。人能平時愛護元氣。保養精血。療不可得而傳。惟夫縱慾多淫。精血內耗。邪氣外乘。是不特男子有傷。婦人亦不免矣。然而氣虛腹餒。最不可入癆療之門。弔喪問喪。衣服器用中皆能乘虛而染。觸間有婦人入其房。覩其人病者。思之勞氣隨入。染患日久。莫不化而爲蟲。治療之法。大抵以保養精血爲上。去蟲次之。安息蘇合阿魏麝犀丹砂雄黃固皆驅伐惡氣之藥。亦須以天靈蓋行乎其間。蓋尸疰者。鬼氣也。伏而未起。故令淹纏。得枯骸枕骨治之。鬼氣飛越。不復附人。於是乎瘥。外此則虎牙骨鯉魚頭皆食人之類也。其亦枕骨之亞乎。要之發用以前。當以川芎當歸先立乎根本之地。先用芎歸血餘散吞北斗符。次用鱉甲生犀散取蟲。

芎歸血餘散

室女頂門生髮一宿日中晒乾紙撚火燒存性

真川芎錢五

當歸錢三

木香

桃仁焙水浸去錢皮

安息香

雄黃錢各一

全蝎焙水浸去錢皮

江上大鯉魚頭生截斷一

右爲末。分作四服。每服井水一大碗。靜室中煎七分。入紅硬真降香末五分。

燒北斗符入藥。月初五。更空心向北目天咒曰。療神療神。害我生人。吾奉

帝敕。服藥保身。急急如律令。咒五遍。面北服藥。畢。南面吸生氣入口腹中。燒

降香置牀底下。午時又如前服藥。

北斗符 敕



念北斗咒

硃砂書符

驚甲生犀散 治療疾殺療蟲取出惡物。

天靈蓋壹具男者色不赤可用女者色赤勿用以檀香煎湯候冷洗咒曰電公靈雷公聖達傳尸即須應急急如律令咒七遍訖次用酥炙黃



生鱉甲 壹枚 醋炙 去裙

安息香

生犀角

眞降香

雷丸 錢二

穿山甲 醋取 炙四 焦

虎長牙 二枚 用牙 醋炙 關骨 酥如 錢足 無則

桃仁 水浸 焙去

木香

乾漆 杵碎 炒烟 略盡 存性

全蝎 三箇

檳榔 雞心 者

甘遂

阿魏 酒浸 錢研

蚯蚓 十條 生研

右件爲末。每服五錢。先用豉心四十九粒。東向桃李桑梅小稍各二莖。長七寸。生藍青七葉。青蒿一小握。葱白連根洗五莖。石臼內同杵。用井水一碗半煎取一盞。入童子尿一盞。內藥末煎取七分。入麝一字。月初五。更空心溫服。卽以被覆汗。恐汗中有細蟲。軟帛拭之。卽焚其帛。少時必瀉蟲。以淨桶盛。急鉗取蟲。付烈火焚之。並收入磁器中。瓦片傳雄黃蓋之。泥和灰扎埋深山絕人行處。

上清紫庭追癆法



南京中醫藥大學圖書館藏

三屍九蟲之爲害。治者不可不知其詳。九蟲之內。三蟲不傳。蝟蛔寸白也。其六蟲者。或藏種毒而生。或親屬習染而傳。疾之初覺。精神恍惚。氣候不調。切在戒忌酒色。調節飲食。如或不然。五心煩熱。寢汗恟悸。如此十日。頓成羸瘦。面黃光潤。此其症也。大抵六蟲。一旬之中。徧行四穴。週而復始。病經遇本氣而生。立春一日後方食起。三日一食。五日一退。方其作苦。百節皆痛。蟲之食也。退卽還穴醉睡。一醉五日。其病乍靜。候其退醉之時。乃可投符用藥。不然蟲熟於符藥之後。不能治也。一蟲在身中。占十二穴。六蟲共占七十二穴。一月之中。上十日蟲頭向上。從心至頭遊四穴。中十日蟲頭向內。從心至臍遊四穴。下十日蟲頭向下。從臍至足遊四穴。陽日長雄。陰日長雌。其食先臟腑脂膏。故其色白。五臟六腑一經食損。卽皮聚毛脫。婦人卽月信不行。血脈皆損。不能榮五臟六腑也。七十日後。食人血肉盡。故其蟲黃赤。損於肌肉。故變瘦劣。飲食不爲肌膚。筋緩不能收持。一百二十日外。血肉食盡。故其蟲紫。卽食精髓。傳於腎中食精。故其蟲色黑。食髓卽骨痿不能起於牀。諸蟲久卽生毛。

毛色雜花。鍾孕五臟。五行之氣。傳之三人。卽自能飛。其狀如禽。亦多品類。傳入腎經。不可救治。利藥下蟲後。其蟲色白。可三十日服藥補。其蟲黃赤。可六十日服藥補。其蟲紫黑。此病已極。可百二十日服藥補。又云。蟲頭赤者。食患人肉可治。頭口白者。食患人髓。其病難治。只宜斷後。故經曰。六十日者。十得七八。八十日內治者。十得三四。過此以往。未知生全。但可爲子孫除害耳。第一代爲初勞病。謂初受其疾。不測病源。酒食加餐。漸覺羸瘦。治療蹉跎。乃成重病。醫人不詳其故。誤藥多死。



此蟲形如嬰兒

背上毛長三寸
在人身中



此蟲形如鬼

狀變動在人
臟腑中



此蟲形如蝦

蟆變動在人
臟腑中

以上諸蟲。在人身中。縈著之後。或大或小。令人夢寐顛倒。魂魄飛揚。精神離散。飲食不減。形容漸羸。四肢酸疼。百節勞倦。憎寒壯熱。背膊拘急。頭腦疼痛。口苦舌乾。面無顏色。鼻流清涕。虛汗常多。行步艱難。眼睛多痛。其蟲遇丙丁

日食起。醉歸心俞穴中。四穴輪轉。週而復始。候蟲大醉。方可醫灸。取出蟲後。

用藥補心。用守靈散


第二代為覺勞病。謂傳受此病已覺。病者患人乃自知夜夢不祥。與亡人為伴。醒後全無情思。昏沉似醉。神識不安。所食味輒成患害。或氣痰發動。風毒所加。四體不和。心胸滿悶。日漸羸瘦。骨節乾枯。或嘔酸水。或是醋心。唇焦口苦。鼻塞胸痛。背膊痠疼。虛汗常出。腰膝刺痛。如此疾狀。蚤須醫治。過時難療。致傷性命。



此蟲形如亂

絲長三寸許


在人臟腑中



此蟲形如蜈

蚣或似守宮

在人臟腑中



此蟲形如

蝦蟹在人

臟腑中

以上諸蟲在人身中。令人氣喘。唇口多乾。咳嗽增寒。心煩壅滿。毛髮焦落。氣脹吞酸。津液漸衰。次多虛渴。鼻流清水。四肢將虛。臉赤面黃。皮膚枯瘦。腰膝



無力。背脊痠痛。吐血唾膿。語言不利。鼻塞頭痛。胸膈多痰。重者心悶吐血。僵仆在地。不能自知。其蟲遇庚辛日食起。醉歸肺俞穴中。四穴輪轉。週而復始。俟蟲大醉。方可治醫。取出其蟲。補肺則瘥。用散虛成

第三代為傳尸癆病。謂傳受病人自尋得知之日。漸消瘦。頓改容顏。密密惚惚。不寧。日日恹惶。夜夜憂死。不遇良醫。就死伊邇。

此蟲形如蚊



蠓俱遊人臟

腑中

此蟲形如蟻



蟻大如碎血

片在人臟中

此蟲形如



刺蝟在人

腹中

以上諸蟲。在人身中。令人三焦多昏。日常思睡。嘔吐苦汁。或吐清水。或甜或苦。粘涎常壅。腹脹虛鳴。臥後多驚。口鼻生瘡。唇黑面青。日漸消瘦。精神恍惚。魂魄飛揚。飲食不消。氣咽聲乾。目多昏淚。其蟲遇庚寅日食起。醉歸厥陰穴中。四穴輪轉。週而復始。俟蟲大醉。方可治取。蟲出之後。補氣即瘥。


第四代



此蟲形如鼠

絲在人腹臟

之中



此蟲形如

猪肺在人

腹內之中



此蟲形如

蛇鰻在人

五臟之中

以上諸蟲。在人身中。令人臟腑虛鳴。嘔逆傷中。炫癖氣塊。憎寒壯熱。肚大筋生。腰背疼痛。或虛或瘦。瀉痢無時。行履困重。四肢憔悴。上氣喘急。口苦舌乾。飲食及水過多。要喫酸醃之物。其蟲遇戊己日食起。醉歸脾俞穴中。四穴輪轉。週而復始。俟蟲大醉。方可治取。蟲出之後。補脾為瘥。

用魂散

第五代



此蟲形如鼠

似小瓶渾無

表裏背面



此蟲形如

有頭無足

有足無頭



此蟲變動

形如血片

在於陽宮

以上諸蟲。入肝經而歸腎。得血而變更也。令人多怒氣逆。筋骨拳攣。四肢解散。唇黑面青。憎寒壯熱。腰背疼痛。起坐無力。頭如斧斫。眼睛時痛。翳膜多淚。

北京中醫藥大學圖書館藏
此為試讀，需要完整PDF請訪問：www.eetongbook.com